

**Аумақтық қорғаныс саласында тексерулерді тағайындау туралы актілерді есепке алу журналын жүргізу ережесімен оның нысанын бекіту туралы**

Қазақстан Республикасы Қорғаныс министрінің 2025 жылғы 9 қыркүйектегі № 1237 бұйрығы

"Қазақстан Республикасының аумақтық қорғанысы туралы" Қазақстан Республикасының Заңы 23-бабының 4-тармағына сәйкес БҰЙЫРАМЫН:

1. Осы бұйрыққа қоса беріліп отырған:

1) осы бұйрыққа 1-қосымшаға сәйкес Тексерулерді тағайындау туралы актілерді есепке алу журналын жүргізу ережесі;

2) осы бұйрыққа 2-қосымшаға сәйкес аумақтық қорғаныс саласында тексерулерді тағайындау туралы актілерді есепке алу журналының нысаны бекітілсін.

2. Қазақстан Республикасы Қарулы Күштері Бас штабының Аумақтық қорғаныс департаменті:

1) осы бұйрықты Қазақстан Республикасы Әділет министрінің 2023 жылғы 11 шілдедегі № 472 бұйрығымен бекітілген Қазақстан Республикасы нормативтік құқықтық актілерінің мемлекеттік тізілімін, Қазақстан Республикасы нормативтік құқықтық актілерінің эталондық бақылау банкін жүргізу қағидалары 10-тармағының талаптарына сәйкес (Нормативтік құқықтық актілерді мемлекеттік тіркеу тізілімінде № 33059 болып тіркелген) қол қойылған күнінен бастап бес жұмыс күні ішінде электрондық түрде қазақ және орыс тілдерінде Қазақстан Республикасы Әділет министрлігінің "Қазақстан Республикасының Заңнама және құқықтық ақпарат институты" шаруашылық жүргізу құқығындағы республикалық мемлекеттік кәсіпорнына жіберуді;

2) осы бұйрықты алғашқы ресми жарияланған күнінен кейін Қазақстан Республикасы Қорғаныс министрлігінің интернет-ресурсына орналастыруды;

3) осы бұйрық алғашқы ресми жарияланған күннен кейін күнтізбелік он күн ішінде осы тармақтың 1) және 2) тармақшаларында көзделген іс-шаралардың орындалуы туралы мәліметтерді Қазақстан Республикасы Қорғаныс министрлігінің Заң департаментіне жіберуді қамтамасыз етсін.

3. Осы бұйрықтың орындалуын бақылау Қорғаныс министрінің бірінші орынбасары – Қазақстан Республикасы Қарулы Күштері Бас штабының бастығына жүктелсін.

4. Осы бұйрық мүдделі лауазымды адамдарға және құрылымдық бөлімшелерге жеткізілсін.

5. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

1-қосымша  
Қазақстан Республикасы  
Қорғаныс министрінің  
2025 жылғы 9 қыркүйектегі  
№ 1237 бұйрығымен  
бекітілген

## **Аумақтық қорғаныс саласында тексерулерді тағайындау туралы актілерді есепке алу журналын жүргізу ережесі**

### **1-тарау. Жалпы ережелер**

1. Осы Аумақтық қорғаныс саласында тексерулерді тағайындау туралы актілерді есепке алу журналын жүргізу ережесі (бұдан әрі – Ереже) "Қазақстан Республикасының аумақтық қорғанысы туралы" Қазақстан Республикасының Заңы 23-бабының 4-тармағына сәйкес әзірленді.

2. Ереже тексерулерді тағайындау туралы актілерді есепке алу журналын (бұдан әрі – Есепке алу журналы) жүргізуді айқындайды, ол есепке алу журналын ресімдеуді және толтыруды қамтиды.

### **2-тарау. Қорғаныс саласында тексерулерді тағайындау туралы актілерді есепке алу журналын жүргізу ережесі**

3. Есепке алу журналын аумақтық қорғаныс саласындағы уәкілетті орган толтырады.

4. Есепке алу журналы қағаз жеткізгіште жүргізіледі, нөмірленеді, тігіледі және оны жүргізуге тағайындалған жауапты адамның қолтаңбасымен және уәкілетті органның мөрімен (бар болса) куәландырылады.

5. Оған жазу толық, анық, ұқыпты жазылады, түзетулер мен қателерге жол берілмейді. Қате жазылған жазуды жауапты адам ескертіп, қолтаңбасымен куәландырады.

6. 1-бағанда аумақтық қорғаныс саласындағы әрбір тексеру актісі үшін реттік нөмір көрсетіледі.

7. 2-бағанда журналды толтыру күні көрсетіледі.

8. 3-бағанда аумақтық қорғаныс саласындағы тексеруді тағайындау туралы актінің нөмірі мен күні көрсетіледі.

9. 4-бағанда аумақтық қорғаныс саласындағы уәкілетті органның атауы көрсетіледі.

10. 5-бағанда аумақтық қорғаныс саласындағы тексеруді жүргізуге уәкілетті адамның (адамдардың) тегі, аты, әкесінің аты (бар болса) және лауазымы көрсетіледі.

11. 6-бағанда тексерілетін субъектінің (объектінің) атауы көрсетіледі.

12. 7-бағанда тексерілетін субъектінің сәйкестендіру нөмірі (БСН) көрсетіледі.

13. 8-бағанда аумақтық қорғаныс саласындағы тексеруді жүргізу мерзімі көрсетіледі.

14. 9-бағанда актілерге қол қоюға уәкілетті адамның қолтаңбасы көрсетіледі.

2-қосымша  
Қазақстан Республикасы  
Қорғанысминистрінің  
2025 жылғы 9 қыркүйектегі  
№ 1237 бұйрығымен  
бекітілген

Нысан

Тексерулерді тағайындау туралы актілерді есепке алу журналы

| Р/с № | Журналды толтыру күні (күні, айы, жылы ) | Тексеруді тағайындау туралы актінің күні және нөмірі | Уәкілетті органның атауы | Тексеруді жүргізуге уәкілетті адамның ( адамдарды н) тегі, аты, әкесінің аты (бар болса) және лауазымы | Тексерілеті н субъектінің ( субъектінің объектінің ) атауы | Тексерілеті н субъектінің сәйкестендіру нөмірі ( БСН) | Тексеруді жүргізу мерзімі | Актілерге қол қоюға уәкілетті адамның қолы |
|-------|------------------------------------------|------------------------------------------------------|--------------------------|--------------------------------------------------------------------------------------------------------|------------------------------------------------------------|-------------------------------------------------------|---------------------------|--------------------------------------------|
| 1     | 2                                        | 3                                                    | 4                        | 5                                                                                                      | 6                                                          | 7                                                     | 8                         | 9                                          |